



Ben woote ci jëf joge ci goor ñi ak jiggeen ñi ci nappum cossaan¹

Jiggeen ñi ak goor ñi ci nappum cossaan (NC) geej ak jeeri dina indi ci anam bu rëy ci juntuwaayu dundin wi, ak xëy, ak kaarange lekk gi ak koom, mu wuute ak ni ñu leen boddee ci bu ñuy jël dogal. Waasoo yi fare nappum tefess ñooy jëffookat yi ëpp ci geej gi. Gir ñoŋal wer gi ak taxawaay joge ci waasoo yi fare napp mi, nappum cossaan soxla na jot bu wer te yayoo ay geej ak wëraakoon yu muc ci ayip ngir mana doxal bu matale seen taxawaay bu fess ci saytu ak aar geej ak indi seen waar ci karaange lekk ak dundin gi. Nappum cossaan mi ngi sakku Nguur yi ñu joyanti ñakk yor bu xerñ, leer ak bakk ci bu napp mi ; te wuyu ci tolof tolof yi am joge ci mbalit yu bonn yi, xiiroo ci bërëp yi ak aloom bi ak yeneen xeetu liggeey yi ci koom koomu geej, ak def ci yorinu aloom bi diir bu sori, defaraat dëkkuwaay yi ak soppeeku yi jiggeen ñi ak goor ñi waasoo napp.

Jubluwaay bi ci fullandi bu sax dakk (ODD) 14.b woo Nguur yi ñoŋal jot ci aloom bu mbeex mi ak bërëbu njaay yi jëme ci nappum cossaan. Ay pexe war na ñu am ci lu gaaw ngir taxawu yii di ñëw, ngir ñoŋal aar bi ak defaraat nappum cossaan te it fexe mu wey di amal aka doli koom yi, ak wer gi, ak aada ak neex neexu nit ñi.

Nguur yi war na ñu...

1. Ñoŋal ci lu gaaw jot bu fes ak bakk yor 100 % goxu tefess yi : Axë ak yeleeftu moomeel ak jot ci aloom bi ci nappum cossaan war na ñu leen aar. Jiggeen ñi ak goor ñi ci nappum cossaan war na ñu bakk bu dëgër ci dogal yi leen soxal.

2. Seede amal bakk jëme ci jiggeen ñi te it taawu seen manin sopite yu bees yi : Jiggeen ñi ñu ngi teew ci bepp pacc ci calala nappum cossaan te it nekk poŋ bu fes ci buum gi ngir jën wi egg ci ñi koy jëffoo. Waaye seen liggeey xameesuko, seen jappandal, ci sopite yu bees, ken joxu ko gëdëm, ak seen xeetu liggeey ak seen dundë dañoo jeggi dayoo.

3. Aar nappum cossaan jëme ci geewu wuje ak yeneen koomu geej : Jeexital yu baaxul yu paccu mbeex ak jeeri yu ëpp doole koomu geej (amal doole jiy ball ci geej, nappum gaalu saxaar, jariño mbel yi ci ndox yu xoot yi, baneexu dem ci yeneen reew, berëbu defar fariño jën, jariño alla bi) dina ñu nasaxal jubluwaayu ñi waasoo tefess yi. Taxawaayu yootaan, leeral gi ak bakk ci bu fes bu nappum cossaan moo wara jiitu bepp jariño bu bees jëm ci geej yi.

4. Amal lepp luy leeral ak taxawaay jëme ci yor napp mi : Taxawaayu politik mooy li war ngir indi sopite bu gaaw ndax politik yi ak doxalin yi ci napp mi ñooy saxal neex neexu wasoo yu nappum cossaan te it dina soxal koom yu reew yi.

5. Tabax ay waasoo yu am taxawaay ngir jamaarlo ak sopite jawa ji te it jox ay jubluwaay ndaw ñi : Nappum cossaan mooy ki njëkk ci yëk jeexitalu sopite jawa ji ak yeneen sox yi joge ci biti, te it loolu day galaŋkoor jubluwaay yu ndaw ñi ak waasoo yi bëgë dundë ci napp mi. Yorinu napp mi war na dugal luy

¹ Joge ci Diktal ci coobare yu FAO ngir nappum cossaan bu sax dakk, nappum cossaan day ëmb peb yëngu ci calala koom – balaa goob, goob ak goob ba noppi.



wañi tolof tolof yi wara joge ci jëyë yi ak tontu ci yi jampp, jot ci yelleef yu nit ñi, mel ni njang mi, wer gi ak aar jëme ci nit, te it war ñoŋal ay xeetu jumtukaay ngir jot sa bopp bu and ak sagg te jukkoo ak napp ngir ndaw ñi.

Woxtu jëf jot na

Ñoo ngi woo nguur yepp ñu jël dogal yii fii ak 2030 :

1. Seede bu gaaw jot ci bu fes ak and yor 100 % goxu tefess yi

- Nangul nappkattu cossaan yi ay yeleeef ci nappukaay yu tefess yi, joge ci tëc goxu tefess yi ci lii di nappum gaalu saxaar ak yeneen xeetu yëngu yu kawé yi te it aar leen ci yeleeefu moomeel, ci dëkk fa, ak jot ci alaam bi;
- Seede ak nangu ci teeyu bakan, jiitu ca ak lu leer ngir bepp jëffoo bu bees wala yëngu bu geej, doli ci lu jëm ci jubluwaayu deñc ak ngir ñoŋal gox yu beex yi ñu aar;
- Tekk ci amal ay pexe yu and yor ci 100 % lepp luy goxu tefess, te ñu tekk ci geew bi ay digg yu yoon yu fes ya nga xamm ne da ñuy wone ci lu leer taxawaay ak gëdd bu nguur yi ak nappkatt yi te it joxe taawu bu mattale mool yi ngir ñu jiitu taxaw temm (rax ci doli ngir bokk, ay paccu tëcc napp mi, ak ñoom seen.) ; ak
- Ñoŋal ay pexe kopar yu doy ci biir nafa reew yi at mu ne ngir tattaafu xeetu bokk yor yi.

2. Seede and bokk bu jiggeen ñi te it tattaafu leen ci seen amal lii di sopite yu bees

- Jox jiggeen ñi ay pexe ci taxaw lëkëlloo ci seen digante te it am taxawaay bu yëngu mi ci biir kurel yi fare liggeey yi am ak yoonu dogal yi, doli ci lii di dogal yi jëme ci yorinu napp mi;
- Jox lu jiitu lii di ay fullandi ci biir dundin yi (melni jot co doxum naan mi, kuran bi, sanni ndox mu bonn mi, mattuwaay yu ganaaw kër yi ci biir bërëbu soparñi kaayu jën yi), ci matuwaay yiy yokk sell xeetu liggeeyu ak dundu jiggeen ñi ak seen njaboot, (yu mel ni ay dëkkuwaay yu sell, ay toogu xale yu jege fi nuy soparñee jën yi), ak jangal jëffoo xarala yu bees yi ;
- Jokale jot ci suuf si ak kopar yi ngir tattaafu sopi yu bees yi ak xarala soparñi ak njaay mi (lakkukaay FTT, seddalukaay yu jantë) ; tattaafu njang mi ngir jot ci jaayukaay yu bees ; ak ful yarum jën mu ndaw mi ngir mana matale lii di jotal ñepp gñcax bu jëkk; ak
- Far galangkoor yi am ci njaay mi ci tolluwaayu reew mi ak gox yi, joge ci tekk jeexal këlë këlee xoxatal jiggeen ñi ci seen bërëbu soparñikaay, si jaayukaay yi, ci kaw yoonu njaay yi ak ci saytu yi ci digante dig yu reew yi.

3. Yiir nappum cossaan ak yeneen xeetu wuj yi ci koomu geej

- Ñakk maye wala dooleel bepp xeetu jëffoo bu bees geej yi te mu mana am jeexital bu bonn ci dëkkuwaay ak lamu ëmb ak ña fa waasoo te yayoo ko ngir seen dund; tek bët lii di nangu ci teeyu bakan, balaa ak leeral yi di am lii di teggu ci waasoo yi fare tefess ;
- Fullandi, ci kaw leeral bu maga ak war bokk ci joge ci ñi waasoo tefess yi te mbir mi laal leen, ay pexe (1) ngir xayma teeyu bakan jeexital ci nit ñi ak li wër dun bu yaa, (2) diisoo, ci anam buy mana tax bokk ci ak yëk ñi waasoo yi, (3) ak yaxanal xiiroo ngayoo digante ñiy jëffoo goxu nappukaayu geej, ak (4) baay jagal saafara galangkoor yi ak tekk yoonu jubal ak yorinu jiite yi ; ak



- Wone ni am na ay yoonu kopar yu wer ci biir nafa wala gafaka nguur yi ngir doxal lii di yoonu li wër jawa ji, boole ci doxal aka mal ay yoon ak deggoo aduna bi ak gox yi, balla leneen lu bees ci jëfoo geej yi ñu maye ko.

4. Nekal lu leer ak am taxawaay ci yorinu napp mi

- Ganaaw ba ñu soofantalee nappum cossaan ci biir xayma yi ñu nangu , te rawatine jiggeen ñi, defaraat, ci anam bu daw yaram wuute gi, taatan ay poñ ak wessaare xibaar ci biir walla wii, dax tegaayam ci biir kaarange dundd gi, ak amuk loo jote bakan, ci jëffoo bu sax geej gi mu gënë fess te am dayoo;
- Warteefu ñakk ay xibaar yu ñu xam, nappum kaw jeeri ji ñak na ñu jox gëdëm ci biir politik yu reew yi jëm ci napp mi. War na kon ñu gënë indi ak xame ci nappum jeeri ji, li muy indi ak li kay xaar te war ko jaamarloo, ngir ñu man ko jox xameem ak dooleel ko ci reew yi ak anuna bi yepp.
- Weer, ci lu neew te mingoo ak doxalin ngir leeral ci biir napp mi (FiTI), bepp xeetu xibaar bu fess, rax ci doli yoonal, maye kayiitu napp yi, poñ yi ci japp mi ak wone leeral ci yoon yi ngir yorin bi ; ak
- Weer ngir ñepp bepp xeetu xibaar ci yeneen xeetu porose xarala jëme ci geej yi, ci geeju tefess yi ak ci jeeri yi, doli ca kayiit ya ñu tēŋkk maye ya, sañal ya ak nagu ya, akit xibaar ci porose ndimal yu joge ca biti ak xeetu kopar yi jëm ci yaxanal geej yi, boole ca yeleeftu koomu geej a kit weccoo bor - gañcax.

5. Tabax ay waasoo yu sange ngir jaamaarloo ak sopite jawa ji te it maye jubluwaay ndaw ñi

- Defar, andd ci ak waasoo yi ci napp mi, politik yi ak tërëlin yu fess dekku lii di sopite jawa ji ak woyafal seen jeexital, doli ci ay pexe ngir defaraat buy ñongal dëkuwaay yu geej yu wer muc ci ayip, akit ay pexe ngir wañi jëyë ak taxawaay yu jamp;
- Taxawu ay pexe ngir yokk defar luy yokk sange waasoo yi, rawatina dimali leen ngir ñu jaamaarloo ak ñakkum gañcax gi, wañi xeetu ñakk gi ci goob mi ak fullandi ay yeneen yoon ngir jot ci koom yi ngir mu am jeexitalu maye ay seenu ci pexe yi ngir dundd bu am sagg ci diir bu yagg jëm ci ndaw ñi.
- Aar yeleeftu nit ci biir nappum cossaan, merlni kaaraange nite, ak wer gi, ak njang mi, ak kaaraange ci geej mu war nak defaraat xeemeemte bu pacc bii ngir ndaw ñi.

Ñoo ngi woo nguur yepp ak seeni andandoo ñu tabax ay waasoo yi fare nappum cossaan yu jaamaarloo joge ci fullandi ay tërëlinu doxal yu reew ngir mana amal ay takk yii fess ci-kaw fii ak 2030.

Tërëlinu doxal yi war na ñu leen jox kopar ci anam bu jaadu te it jublu ba di teggu ci Diktal yu FAO ngir amal nappum cossaan bu sax dakk² ak it yeneen politik yu gox yu fess.³ Dina ñu topp defar bi ak doxalin biy amal tërëlinu doxal yi te ñu ngi woo kurelu andandoo yi ak nit ñi ci teeyu bakan ñu dimali nu ci topp jëme kanam yi ci am ci jeego.

² Diktal yu FAO ngir nappum cossaan mu muc ci ayip nangoos na ko muy jumtuwaay bu reew yepp ci juun 2014. Diktal yooyu da ñu sakk mu toftaalu ci diisoo bu yagg te am taariix ak xeex bu nappum cossaan def ci aduna bi yepp ngir mana am gëdd bu makk ak yeleeft ak taxawaayam ci biir paccu napp mi si seen reew.

³ Politik gox yi : takku politik ak pexe tërëlin ngir sopi napp ak yarum jën ci Afrik (CUA-NEPAD 2014) - Politik mbooloo bu napp mi bu waasoo Karaïbs (CRFM 2020) – Pexe tërëlin bu Numéa – Woy wu bees ngir nappum tefess yi – yoonu copite yi (CPS 2015) ; ak, Pacc bi ngir dooleel yorin bu waasoo yu napp yi (CPS 2021) – ngir goxu Pacifik.



Ñi ko xaatim

Ñi ko xaatim ñepp ay kurel yu taxawal nappum cossaan la ñu ay mbootaayu nappum cossaan yu adduna wër kepp, rawatina Afrik (CAOPA), yu Pacifik (LMMA), yu Karaibes, yu Améri Sentral (RAMPR) ak yu Sud (CONAPACH) a kyu Erope (LIFE, Aktea). Nangu leen dugg seet pakku web ngir am ay xibaar ci ñi ko xaatim a kit limu kurel yi ci teeyu bakan ak ONG reew yepp yi tatafu woote bii.

Kiko sotti ci wolof di Mamadu FAY Email : doufayelaye59@yahoo.fr